



GIG
CYMRU
NHS
WALES

Bwrdd Iechyd Prifysgol
Aneurin Bevan
University Health Board

Dyfodol Clinigol
Clinical Futures

Gwybodaeth ddiweddaraf am Dyfodol Clinigol Clinical Futures Update



Newyddion i'ch cymuned News for your Community

16/10/2020

Diweddariadau i chi a'ch cymuned - Rhifyn 2



Dyma'r ail mewn cyfres o gylchlythyrau, y byddwn yn eu darparu i'n partneriaid a'n rhanddeiliaid lleol ynghylch ein rhaglen Dyfodol Clinigol a'r cynnydd yr ydym yn ei wneud gydag agoriad cynnar Ysbyty Athrofaol y Faenor.

Rydym yn anfon y diweddariadau hyn ddwywaith y mis wrth i ni agosáu at agoriad cynnar Ysbyty Athrofaol y Faenor ym mis Tachwedd 2020. Byddwn hefyd yn defnyddio'r cylchlythyr hwn ar ôl yr agoriad i'ch diweddaru wrth i ni roi ein Rhaglen Dyfodol Clinigol ar waith a pharhau i wneud newidiadau arfaethedig i'n system ehangach o wasanaethau ar draws ardal y Bwrdd Iechyd.

Yn ystod yr wythnosau i ddod byddwn yn canolbwyntio ar elfennau allweddol o'n cynlluniau. Yn y rhifyn cyntaf, bu i ni siarad am Ysbyty Athrofaol y Faenor, yn y briff hwn rydym yn dechrau siarad am oblygiadau'r Rhaglen Dyfodol Clinigol ar ein gwasanaethau a chyfleusterau ehangach. Mae'r briff hwn yn canolbwyntio ar Ysbyty Nevill Hall a sut mae'r ffordd yr ydym yn darparu gofal iechyd a gwasanaethau yn newid. Byddwn hefyd yn tynnu sylw at y cynnydd gyda'n trefniadau cyfathrebu ac ymgysylltu.

Yn gyntaf - Nodyn i'ch atgoffa am y Rhaglen Dyfodol Clinigol

Dyfodol Clinigol yw cynllun y Bwrdd Iechyd ar gyfer gwasanaethau iechyd a gofal cynaliadwy ar draws ardal Gwent a hefyd ar gyfer gwasanaethau a ddarparwn ar gyfer pobl De Powys.

Ein nod yw darparu gofal diogel o ansawdd uchel a darparu cymaint o hyn yn y cartref, neu mor agos i'r cartref â phosibl a hefyd drwy ein rhwydwaith o wasanaethau a gofal yn yr ysbyty a'r gymuned.

Fel Bwrdd Iechyd, rydym hefyd yn anelu at wella iechyd a lles y boblogaeth yr ydym yn ei gwasanaethu, lleihau anghydraddoldebau iechyd, a sicrhau cynaliadwyedd system gofal iechyd y GIG.

Rydym eisoes wedi gwneud rhai newidiadau mawr i'r ffordd yr ydym yn darparu ein gwasanaethau - ac efallai eich bod eisoes wedi gweld ein bod wedi bod yn darparu gofal

Dyfodol Clinigol
Clinical Futures

iechyd mewn gwahanol ffyrdd, yn un o'n cyfleusterau newydd neu yn y gymuned. Rydym wedi symud nifer o wasanaethau yn agosach at le mae pobl yn byw a byddwn yn parhau i newid y ffordd yr ydym yn darparu ein gwasanaethau, gan sicrhau bod cleifion a defnyddwyr gwasanaeth wrth wraidd popeth a wnawn a phob penderfyniad a wnawn.

Mae agor Ysbyty Athrofaol y Faenor yn elfen sylweddol yn ein Rhaglen Gwasanaeth Dyfodol Clinigol a bydd yn gatalydd ar gyfer cyfres o newidiadau eraill yn ein system ysbytai ar draws Gwent o ganol mis Tachwedd eleni.

Beth fydd y Newidiadau Dyfodol Clinigol yn eu golygu i Ysbyty Nevill Hall



Ar ddydd Iau 8 Hydref, cynaliasom sesiwn holi ac ateb fyw ar ein tudalen Facebook i siarad am wasanaethau yn y dyfodol yn Ysbyty Nevill Hall unwaith y mae Ysbyty Athrofaol y Faenor yn agor ar 17 Tachwedd. Cyrhaeddodd y digwyddiad byw gyfanswm o 68,000 a chafwyd 8,427 o ymgysylltiadau (sylwadau, pobl yn hoffi a rhannu) Mae'r digwyddiad hwn ar gael o hyd ar ein tudalen Facebook drwy'r ddolen isod: <https://www.facebook.com/watch/?v=365038124637906>

Amlinellodd y sesiwn hon sut y bydd Ysbyty Nevill Hall yn parhau i ddarparu gofal o'r radd flaenaf i drigolion Gwent a De Powys pan fydd Ysbyty Athrofaol y Faenor yn agor. Bydd Ysbyty Nevill Hall yn darparu ystod eang o wasanaethau ac yn canolbwyntio ar ddarparu gofal cyffredinol ac arferol.

Bydd y rhain yn cynnwys:

- Llawdriniaeth ddydd - llawdriniaeth lle rydych chi'n cael triniaeth ac yn mynd adref ar yr un diwrnod
- Gwasanaethau adsefydlu a therapi - gwasanaethau megis ffisiotherapi a therapi lleferydd ac iaith
- Gwasanaethau diagnostig - asesiadau, sganiau a delweddau Pelydr-X sydd eu hangen ar gyfer archwiliadau gan gynnwys sganiau MRI a CT
- Uned Asesu Feddygol
- Uned Mân Anafiadau 24/7 dan arweiniad nyrsys
- Gwasanaethau canser gyda chynlluniau ar gyfer is-ganolfan Radiotherapi yn y dyfodol
- Amrywiaeth eang o glinigau arbenigol ar gyfer cleifion allanol
- Gofal Eiddilwch ar gyfer pobl hŷn
- 213 o welyau ar gyfer cleifion mewnol
- Apwyntiadau cleifion allanol i blant
- Gofal cynenedigol ac ôl-enedigol a chanolfan eni dan arweiniad bydwagedd

Mae rhagor o wybodaeth ynghylch y gwasanaethau yn Ysbyty Nevill Hall ynghyd â'n hysbytai eraill yn yr ardal Bwrdd Iechyd ar gael, drwy gyfres o daflenni gwybodaeth ar dudalennau gwe'r Bwrdd Iechyd drwy'r ddolen ganlynol:

<https://bipab.gig.cymru/dyfodol-clinigol/>



Diweddariad ar Gyfathrebu ac Ymgysylltu:

Gydag dim ond **5 wythnos** i fynd tan mae'r ysbyty newydd yn agor, nod yr adran hon o'r cylchlythyr yw rhoi'r diweddaraif i chi ynglŷn â'r cynnydd sy'n cael ei wneud o ran trefniadau cyfathrebu ac ymgysylltu ar draws ein cymunedau.



Llyfryn Gwybodaeth i bob aelwyd yng Ngwent

Rydym wedi cynhyrchu llyfryn gwybodaeth i'w anfon i bob cartref yng Ngwent cyn i Ysbyty Athrofaol y Faenor agor. Bydd hwn yn hysbysu pobl o'r newidiadau i'n gwasanaethau ac yn egluro sut y byddant yn cael mynediad at ofal yn y dyfodol. Mae'r llyfryn gydag argraffwyr er mwyn cynhyrchu 270,000 o gopiau. Gall staff eisoes edrych ar y llyfryn ar ein gwefan cyn iddo gael ei gylchredeg yn

[https://bipab.gig.cymru/dyfodol-clinigol/llyfryn-](https://bipab.gig.cymru/dyfodol-clinigol/llyfryn-gwybodaeth-dyfodol-clinigol/)

[gwybodaeth-dyfodol-clinigol/](https://bipab.gig.cymru/dyfodol-clinigol/llyfryn-gwybodaeth-dyfodol-clinigol/)

Ymgyrch Cyfathrebu ac Ymgysylltu

Rydym hefyd wedi datblygu ymgyrch cyfathrebu, ymgysylltu a marchnata wedi'i dargedu i sicrhau bod pobl leol yn cael y wybodaeth lawn am y newidiadau Dyfodol Clinigol y bydd agoriad Ysbyty Athrofaol y Faenor yn eu hysgogi. Yn ogystal â'r llyfryn i bob aelwyd, byddwn hefyd yn cyrraedd pobl drwy ddulliau yn cynnwys:

- Cynnwys ar y wefan a'r cyfryngau cymdeithasol
- Radio a'r wasg leol
- Grwpiau cymunedol;
- Ymgysylltu â sefydliadau partner a gwleidyddion lleol;
- Poster mewn ysbytai a lleoliadau gofal sylfaenol;
- Baneri mawr ar safleoedd ysbytai; ac
- Ymgyrch hysbysebu ar fysiau.

Cyfarfod Cyffredinol Blynnyddol y Bwrdd Iechyd - Dydd Mercher 28 Hydref 2020

Bydd y Bwrdd Iechyd yn cynnal ei Gyfarfod Cyffredinol Blynnyddol ar ddydd Mercher 28 Hydref 2020. Mae'n gyfle i fyfyrion ar y flwyddyn ddiwethaf a hefyd i edrych ymlaen. Bydd y Cyfarfod Cyffredinol Blynnyddol yn cael ei ffrydio'n fyw ar Sianel YouTube y Bwrdd Iechyd.

Gweler rhagor o fanylion am y digwyddiad yn y llun o'r gwahoddiad...

Estynnir gwahoddiad cynnes i chi fynychu..

Cyfarfod Cyffredinol Blynnyddol

BWRDD IECHYD PRIFYSGOL ANEURIN BEVAN

AR DDYDD MERCHER 28 HYDREF 2020 AM 4:00PM

Oherwydd y canllawiau Pellter Cymdeithasol presennol, bydd y cyfarfod yn cael ei gynnal yn rhithwir a bydd yn cael ei ffrydio'n fyw ar ein Sianel YouTube.

Os hoffech chi gofyn cwestiwn, anfonwch ef ymlaen llaw **erbyn 5pm ar Ddydd Llun 26 Hydref 2020** i Richard Bevan, Ysgrifennydd y Bwrdd, yn richard.bevan@wales.nhs.uk

Dyfodol Clinigol
Clinical Futures

2019/20

Os hoffech unrhyw wybodaeth ychwanegol neu os oes gennych unrhyw gwestiynau, cysylltwch â ni drwy ABHB.enquiries@wales.nhs.uk neu drwy'r cyfryngau cymdeithasol:



@BwrddIechydAneurinBevan



@BIPAneurinBevan



@BIPAneurinBevan